

զօրութեան Արքունի Հրովարտակաց և Հաստատուն գրոց , և մատուցին զայնս առ զատաւորն ընթեռնուլ , որոց բովանդակութիւնն է . 'ի ժամանակի խռովութեան Յունաց և Լատինաց սակս բանալեաց եկեղեցւոյն Բեթհեղէմի և այլ իրաց , եւ Հրովարտակ յԱրքունուստ յանձնել զամենայն ինչ Յունաց , որք միանգամ գրեալ էին 'ի Հրովարտակին . բայց յայնժամ չեղեւ ինչ խնդիր և կամ վէճ ինչ յաղաքս Լատին վանաց , զի բաց 'ի նոցանէ , ոչ ոք տիրեալ էր այնմ , և այս խնդիր այսպէս վախճան էառ :

Գարձեալ ասացին Յոյնք . յորժամ եհաս Հրովարտակն յերուսաղէմ , յորում պատուիրէր Արքայ յանձնել Յունաց զԳերեզմանն Քրիստոսի , եւ բառնալ զնուագարանն՝ զոր եղեալ էին Լատինք յանդիման Գերեզմանին Քրիստոսի , և ոչ բարձին 'ի տաճարէն Ս . Յարութեան : Առ այս ետուն պատասխանի Լատինք , ըստ հրամանի Արքային՝ բարձին զայն անտի Լատինք , և եղին 'ի գաւիթ եկեղեցւոյն իւրեանց : Առարկեցին Յոյնք դարձեալ զայլ իմն խնդիր եւ ասեն . Հրովարտակն այն գրեալ 'ի թուականի իւրում , իսկ այս նոր Հրովարտակին զի^{նչ} ունիք ասել , որ գրեալ է 'ի ՎՕ ձէմագիւլ էվվէլ ամսոյ՝ ՎՊԱ (1688) . Թէ մի գոցին Լատինք յերուսաղէմ աւելի քան զերեսուն և երկս անձինս : Մատոյց յայնժամ փոխանորդն Լատինաց զգաշնադիրն , յորոյ վերայ հիմնեալ էր Կայսերական Հրովարտակն , յանուն Գաղղիոյ Թագաւորին , 'ի Վ . Սէֆէր ամսոյ՝ ՎՊՀ (1673) : Ուր ասէ , մի ոք հակառակեցի Լատին կղերաց բնակելոց յերուսաղէմ , եւ ուխտաւորաց նոցին , եւ մի ոք խափանեցէ զսովորութիւնս նոցա , զի յառաջագոյն ամենայն ինչ 'ի ձեռս նոցա էր , թէ 'ի մէջ քաղաքին եւ թէ արտաքոյ նորին , և չէր ոք որ հակառակ կայր նոցա , եւ ոչ ոք համարձակէր ելանել 'ի քննութիւն եւ ոչ 'ի գիր արձանացուցանել . նոյնպէս տաճարն Սուրբ Յարութեան եւ ամենայն ուխտատեղիքն , եւ չէր ոք որ ընդդէմ դառնայր եւ կամ նեղէր զնոսա : Ապա յաւելու , Լատինք որ բնակեալ են յերուսաղէմ , մնացեն ըստ առաջին եղանակի 'ի բնակութիւնս և յուխտատեղիս իւրեանց , և եթէ դատաստան ինչ պատահեցի , և ոչ լուծցի յերուսաղէմ , դատեսցին 'ի Կոստանդինուպօլիս : Եւ եկեղեցա-